

â long de mai bionde

chanson populaire



Refr : Â long de mai bionde

Qu'è fait bon, fait bon, fait bon.

Â long de mai bionde

Qu'è fait bon dremi

Dains les tieutchis d'mon pére
Les lilas sont çhieuris (bis)
Tos les oûejés di monde
V'niant y faire yos nids.


Tos les oûejés di monde
V'niant y faire yos nids (bis)
Le rossignol y tchainte
Le djoué et peus lai neût.

Le rossignol y tchainte
Le djoué et peus lai neût (bis)
È tchainte po les féyes
Qu'n'aint pe encoué d'aimi.

È tchainte po les féyes
Qu'naint pe encoué d'aimi (bis)
È ne tchainte pe po moi
I y en ai yun djôli.

Djaicqueline ohé

ancienne chanson du Pays



È ne tchainte pe po moi
I y en ai yun djôli (bis)
Dites-nôs voûere lai belle
Laivoû c'qu'ât vot'aimi.

Dites-nôs voûere lai belle
Laivoû c'qu'ât vot'aimi (bis)
Èl ât dains lai Hollainde
Les Hollaindais l'aint pris.

Èl ât dains lai Hollainde
Les Hollaindais l'aint pris (bis)
Que bèy'rites-vôs lai belle
Po raivoi vot'aimi ?

Que bèy'rites-vôs lai belle
Po raivoi vot'aimi ? (bis)
I bèyerôs Béfoûe
Béfoûe et peus son lion.

Bondjouè mai Djaicqueline, voûs qu'vôs coutchi lai neût ?

I coutche dains not grant tchambre, â long de lai tchem'nèe!

Refr : Ah, ah, voitie vôre, lai Djaiqueline ohé ! (bis)

Se vôs v'lèz me v'ni vôre, détchâssie vos chuyaies,
Contre lai grôsse tchâdiere, prentes vâdge de vôs borraie ! **Refr.**

Contre lai grôsse tchâdiere, èl allit se borraie,
« Mâtentiuaît lai tchâdiere, lou maignin que l'é fait ! » **Refr.**

Lai mère qu'était y béche, elle entendit çoulai,
Elle aïppelit sai féye : « Mai féye tiu c'qu'ât lai ? » **Refr.**

« Oh ce n'ât ran mai mère, ce n'ât ran de çoulai,
Ç'ât lou tchait d'lai véjine, que vint pâre nos raits ! » **Refr.**

Elle enfûe lai tchaindelle, elle montit les égraies,
Elle serrit les tieuchains, elle voyit lou Colas. **Refr.**

« S'te n'étôs pé bon drôle, te serôs baitenè,
Mains pouèch'que t'és bon drôle, t'peus fini tai lôvrèe ! » **Refr.**

Les violattes

Djosèt Barotchèt

Ernest Beuchat



Se vòs voi yez des çieurattes,
Po creutchie en vos botnieres
Allètes tieudre des violattes
Ç'ât des bèlles et peus pé tchieres.

Refr :

**Petètes violattes,
Petètes endjôlouses,
Chi bèlles çieurattes
Vòs n'étes pe ordyouses,
Çiòs des véyes baïchattes,
Laïrnâsses de mon tiûere.**

Ces çieurattes sentant chi bon
Que s'è y en é chu in métra,
An peut embâmaie sai mâjon
Aivô in tot petét boquat.

Refr.

Les violattes ne sont p'ordyouses,
Simpyement elles diant ès âtres :
Chu nôs se vòs êtes djalouses,
Â càre di bôs venites crâtre.

Refr.

Les tchulots

P. de Resener

tiaind qu'nôs vi - gnans â monde ai - faints nôs fât tos - sie en èc - men-

5

çaint nôs pûerans nôs f'sans des mo - ni - tyes s'an n'veut pé nôs bè yie lai ti - tye oh

10

oh qu'nôs sons do - bots è nôs fât tôd - je des tchu - lots

Tiaind qu'nôs vignans â monde aifaints,
Nôs fât tossie en ècmençant.
Nôs pûerans, nôs f'sans des monityes
S'an n'veut pé nôs bèyie lai titye.

Refrain :

**Oh ! Oh ! qu'nôs sons dobots,
È nôs fât tôdje des tchulots**

Tiaind qu'd'not'tiulatte pend in pantèt
Qu'nôs poyans maindgie di pèpèt,
Tiaind qu'an é fini lai reûjure
An tchule son peûce po neûrriture.

Refr.

Pus taîd po femaie c'ment l'onçhiot,
On tosse in bout de bôs fumerot,
Des maivurons, des nâyes, tôdje
Nôs fât in tchulot dains lai goûerdge.

Refr.

Tiaind qu'nôs ains fait enne boène aimie,
Nôs r'ec'mençans è tossie
Nôs y tchulans tôdje lai fidyure
C'n'ât pé lou pus métchaint po chûr.

Refr.

Tiaind qu'nôs sons hannes, de ci côp
Nôs r'tossans encoué bin pus foûe.
È tchulaie en' pipe an se bote
Nôs tossans di vin, peus d'lai gotte.

Refr.

Po fini tos les véyes toussus
Demoérant tôdje des tossus.
Tiaind qu'nôs sons d'veni maigre-misse
Nôs tchulans di bôs de riglisse .

Refr.